



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

24. april 2012

J.nr.:

01.31.06/12-00577

Aningaasaqarnermut Naalakkersuisoq

TUAVIORTOQ

Aningaasaqarnermut Akileraartarnermullu Ataatsimiititaliap suliaq nr. 01.31.06/12-00577 pillugu aalajangiineranik Naalakkersuisunut ilisimatitsineq.

Suliffissaaleqisunut nuna tamakkerlugu iliuusissamut ilassutitut aningaasaliissuteqarnissamik qinnuteqaat

Naalakkersuisut **inassutigaa**,

- konto pingaarneq 64.13.25-imi, Suliffissaaleqisunut immikkut ittumik suliniutinut tunngasumi, aningaasaliissutit 27.000.000 kr.-nik amerlineqassasut,
- konto pingaarneq 64.01.05-imi, Nunap Immikkoortuisa Ineriartortinnissaannut Pilersaarummut NIIP-mut tunngasumi, aningaasaliissutit 2.000.000 kr.-nik ikilineqassasut.,
- konto pingaarneq 20.11.50-imi, Ingerlatsinermit sillimmatinut tunngasumi, aningaasaliissutit 5.000.000 kr.-nik ikilineqassasut,
- konto pingaarneq 20.12.12-imi, Aningaaseriveqartitsinermit tunngasumi, aningaasaliissutit 500.000 kr.-nik ikilineqassasut,
- konto pingaarneq 40.91.03-mi, Pikkorissartitsinermit tunngasumi, aningaasaliissutit 5.000.000 kr.-nik ikilineqassasut,
- konto pingaarneq 64.10.25-imi, Aluminiumimik pilersaarummut tunngasumi, aningaasaliissutit 5.000.000 kr.-nik ikilineqassasut,
- konto pingaarneq 64.13.21-imi, Piginnaanngorsaaqqinnermit tunngasumi, aningaasaliissutit 4.000.000 kr.-nik ikilineqassasut,
- konto pingaarneq 73.01.08-mi, Ilaasunik angallassinermut tapiissutinut tunngasumi, aningaasaliissutit 1.500.000 kr.-nik ikilineqassasut, aamma
- konto pingaarneq 87.00.88-imi, Nunaqarfinni isorliunerusunilu sanaartornermut periusissamut tunngasumi, suliaq nr. 996.29.105-imut, Nunaqarfinni isorliunerusunilu sanaartornermut 2009-mi periusissamut tunngasumut, aningaasaliissutit 4.000.000 kr.-nik ikilineqassasut.

Aningaasaqarnermut Ataatsimiititaliap oqaaseqaatai

Suliffissaaleqisut immikkut ittumik iliuuseqarfigineqarnissaannut aningaasalersuinissaq siunertaralugu aningaasanik nuussinissaq Naalakkersuisut suliami matumani qinnutigaat. Iliuutsit katillugit 37 mio. kr.-it sinnilaarlugit akeqassapput, taakkunanngalu 27 mio. kr.-it Namminersorlutik Oqartussanit sinneruttullu kommuninit akilerneqarnissaat naatsorsuutigineqarpoq.

Suliffissaaleqisut (suliffeerunnermit eqqugaasut) paasissutissiissutigineqartut naapertorlugit januar 2012-imi 3.767-inik amerlassuseqarnerat qinnuteqaammut tunngaviuvoq, taamaalillutillu januar 2011-imut sanilliullugu suliffissaaleqisut 475-inik imaluunniit 14 procentit missaannik amerleriarsimapput.

Suliffissaaleqinermik eqqugaasut illoqarfimmeersut kisimik naatsorsorneqarsimapput. Paasissutissiissutigineqartut naapertorlugit tamatuma saniatigut nunaqarfinni suliffissaaleqinermik eqqugaasut 1000-it sinnilaarpat, taamaattumillu januar 2012-imi suliffissaaleqisut katillugit 4.800-t missaaniipput. Kisitsisip tamatuma ukiuni aggersuni qaffassinnaanera ilimagineqartoq oqaatigineqarpoq, tassa 2011-misut annertutigisumik 2012-imi uuliasortoqarnissaa naatsorsuutigineqanngimmat. Tamatuma saniatigut aalisakkat pisassiissutit ikiliartornerat aalisarnerullu pisariillisaavigineqarnissaanik pisariaqartitsineq aalisarnermik suliaqartut ukiuni aggersuni ikilinerannik nassataqassasut naatsorsuutigineqarpoq.

Kiisalu suliffissaaleqisut iliuseqarfigineqarnerisa nangingneqarnissaanut 43,5 mio. kr.-inik taggineqartut AIS 13-imi immikkoortinneqarnissaat naatsorsuutigineqartoq allassimavoq.

Sulialli aalajangiiffigineqannginnerani paasissutissat amerlanerusut ataatsimiititaliamit kissaatigineqarput:

1. Konto pingarneq 87.00.88-imit, Nunaqarfinni isorliunerusunilu sanaartornermut periusissamut tunngasumit, aningaasanik nuussinissaq siunnersuutigineqarpoq. Kontomi pingarnermi suliaqartut tamanna qanoq kinguneqassava? Makku pillugit paasissutissat kissaatigineqarput:
 - a. Nuna tamakkerlugu sanaartornikkut periusissaq, UPA 12-imi suliarineqarnissaa siunertaralugu maanna saqqumiunneqareersussaagaluartoq.
 - b. Ummannami atuartut ineqarfiinik sanaartorneq.
 - c. Suliassatut pilersaarutit allat.
2. Immikkut ittumik iliuseqarnissamik siunnersuutip nassatarisaanik suliniutit ilaat, soorlu Qaasuitsup kommuniani eqqaavilerinermik iluarsaanermillu suliaqartitsiniutit suliniut, konto pingarnerup siunertaa eqqarsaatigalugu konto pingarneq 87.00.88 aqqutigalugu aamma ingerlanneqarsimasinnaagaluartut Naalakkersuisoq isumaqarpa?
3. Konto pingarneq 87.00.88-mi aningaasaliussat atorneqarusunnginnerat pissutigalugu iliussissat 4 mio. kr.-inik ikilileriffigineqarpata, tamanna iliussissatut siunnersuutigineqartunut qanoq kinguneqassava? Iliussissanut aningaasaleeqataassutissaminnik kommunit ikililerissutigisinnaasaattut naatsorsuutigineqarsinnaasut saniatigut kingunerisassat *allat* matumani eqqarsaatigineqarput.
4. Konto pingarneq 64.10.25-imit, Aluminiumimik pilersaarummut tunngasumit, 5 mio. kr.-it nuunneqarnissaat siunnersuutigineqarpoq. Tamatumunnga erseqqinnerusumik tunuliaqutaasoq tamatumaluunniit kingunerisassai missingersuutinut ilanngussami ajoraluartumik paasissutissiissutigineqanngillat. Suliniut sumut killippa, siuariartorfua aammalu nuussineq qanoq sunniuteqassava?
5. Konto pingarneq 64.13.21-imit, Piginnaanngorsaaqqinnermut tunngasumit, aningaasanik nuussinissaq siunnersuutigineqarpoq. Taanna naluneqanngitsutut inatsisitigut pisussaaffigalugu aningaasaliissutaavoq, taamaattumillu ukiumi atorneqartussatut naatsorsuutigineqartut nalilersorluarneqartussaapput. Naalakkersuisut isumaat malillugu tunngavissat suut allanngorsimappat, taamaalilluni konto pingarnermit aningaasanik nuussisoqarsinnaalerluni?
6. Aningaasaliissutit nuunneqartussatut siunnersuutigineqartut allanik, Aningaasaqarnermut Ataatsimiititaliap eqqumaffigisariaqagaanik, kinguneqarsinnaasut Naalakkersuisut isumaqarpat?

Tamanna tunngavigalugu apeqqutillu siuliani allassimasut akineqarnissaat siunertaralugu Aningaasaqarnermut Ataatsimiititaliap Naalakkersuisoq **apersorneqarnissamut** aggersarpaa. Naalakkersuisumik apersuinissap qaqugu pinissaa immikkut isumaqatigiissutigineqarumaarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisumillu apersuinissap siuliani allassimasup ingerlanneqarnissaata utaqqimaarneqarnissaa siunertaralugu inassuteqaatit isummerfiginissaat Aningaasaqarnermut Ataatsimiititaliamit **kinguartinneqarpoq**.

Naalakkersuisumik apersuinerit Naalakkersuisunut ilaasortap ataatsimiititaliallu akornanni pingaarnersiulluni tullerriarinerit anguniakkallu pillugit naalakkersuinerimut tunngasumik oqaloqatigiinnertut sapinngisamik iluseqartinneqartarnissaat Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsisinneqarnissani Aningaasaqarnermut Ataatsimiititaliap kissaatigaa. Allakkiap ataatsimiititaliap Naalakkersuisumik apersuinerata kinguninngua uunga nassiunneqarnissaa qinnutigineqarpoq: nych@inatsisartut.gl. Allakkiaq ataatsimiititaliap Naalakkersuisumik apersuinissaanut nassarneqarpat atorneqarpallu taassuma nuutinnera ataatsimiititaliap Naalakkersuisumik apersuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq